





三朝文獻卷之八十六

墓誌銘

故奉議大夫浙江提刑按察僉事劉公墓誌銘

胡廣

國初盧陵諸君子仕於朝其聲光炳耀卓然為時所稱譽者無慮數十人而劉公季道其一也公以明經被薦初拜起居江遇事知無不言竭盡誠悃首發御史大夫陳寧奸深為上所信重嘗隨 駕幸中都度清流關

上賦詩命百官和公獨先就有治定不教生縱逸功成猶遣歷問關之句

上覽之曰有安不忘危之意賜白金二十兩綵段二端未幾拜浙江提刑按察僉事決積歲治獄六百餘起有牽於文繫



者平反尤多民以無寃咸嗟服之此其卓然有聲稱者竟爲  
陳所銜傳致其死時洪武六年月日得年四十有九公諱宜  
正季道其字其先沛人唐袁自沛官袁五季之亂由袁徙吉  
居永豐灞溪曾祖諱其兩領宋漕舉授新淦縣丞祖諱其恒  
山縣令父諱奇相元至治癸亥領鄉薦爲東湖書院山長吉  
安路儒學正撫州路儒學教授母張氏公居幼穎敏過諸兄  
八歲隨父居東湖讀書疊琅琅聞于外賓客往來應對開習  
人多譽之九歲喪母哭泣逾哀十三喪父居喪毀瘠不勝始  
事鄉先生劉惠心繼從山泉解先生二先生咸異之時郡守  
開堂試公年十八就試中高等獲綵綺二旣而持所學試于  
有司再不利有得其文讀之曰如此而見禴斥命也季道矣  
厚公曰吾學未至耳非有司病吾元季天下纏纏其友

爲福建招討託致其母扶持兵革間出艱難致其母子相見  
其拜公曰微公其孰能致吾母終身不敢忘德嘗與姻戚居  
逆旅忽得疾公親調藥餌既死公抱之而哭解衣葬之所  
遺金悉以歸其子兄弟四人長皆先沒惟仲兄存公迎至家  
養之比其沒葬祭皆盡其情無子以次子爲其後公娶邑會  
氏賢而有婦行自公沒惟以教子爲事子三人長曰忠次曰  
勗幼曰肅字子欽子欽登永樂二年甲科爲名進士入翰林  
爲庶吉士其文學爲儕輩所推讓女一人適某孫男九人女  
二人距公沒三十餘年將卜葬于其山之原子欽始以狀求  
請銘謹按狀而銘之銘曰

嗚呼劉公挺然之英政事文章焯有特稱發奸之言揚于六  
拜巨蠹一聞膽落魄驚調辭戒逸治定功成至誠有動



錫賚寵榮載歷風紀激濁揚清事有失頗公執其平伸抑理  
枉獄無歎聲奸臣銜公頃不忘情傳致公死惡害公生生有  
不沒死則公寧公天既定彼奸曷勝以磔以裂

天子聖明公憾既釋烈日薄冰彼奸鬼域公猶列星有燁其  
芒南極長庚伊彼鬼蜮捨其穢腥有北射虎以莫不憎公有  
令子式克繼承以昌家學甲科聿登庶或在茲報公冥冥有  
封如堂以妥公靈爰伐貞石鑲不朽銘百世之下所文旻徵

羅公曠叟墓誌銘

我

太祖高皇帝乘運龍興文武智謀之士四方雲集各獻其能  
芝羅曠橫肇建洪業偽漢逞兇殲于鄱陽其子理漢歸武昌  
上不欲窮兵乃遣儒一棹三十吉以說之廬陵羅復仁孫

命往說說下完誠不費一矢雖其口舌之功而實本於

太祖不殺之仁有以致之也復仁質直遇事敢言以是致授  
弘文館學士後賜休致于家其從子養蒙好言語持辯論侃  
侃無所避人謂有其從父風而文學或過之羅氏代有其人  
養蒙諱以明養蒙其字自號曰曠叟幼知慕學家貧且鬻簪  
珥以教之七歲善聲對十二三能為辭賦及冠為童子師官  
得肉味輒先以奉親所得一毫不自私元末兵亂值太父母  
及父三喪竭力盡喪葬不以貧廢麻禮一日假館新淦忽心  
動亟回家時母遘疾甚危卽禱天請以身代母竟死更二日  
復甦謂曰適有神人告我云更與汝壽五歲人皆謂公孝誠  
所感母後果五年而沒母沒哀痛幾絕終喪如一日自是遇  
歲時祭奠必泣下沾襟鄉人見者莫不稱歎故公之行有以



服人雖寇盜聞公言皆感愧不復為攘竊國初有勉公仕者公曰我逢聖朝為太平之民謳歌田野以樂治化教子課孫以報覆育之仁吾老矣無能為矣今

夫子即位改元永樂其中子汝敬領鄉薦明年上春官登進士第入翰林為庶吉士陞修撰皆公之教也汝敬嘗迎公來就養公時猶康強朝

上于奉天門見

皇太子于文華殿特加問勞命大官賜膳人皆榮之已而

辭歸詞林士大夫多為詩歌餞送于都門外觀者咸嘖嘖加羨公歸鄉惟日賦詩歌頌太平間以書勉其子惟盡忠孝年

已八十六耳目聰明飲食無異平時一日條然而逝永樂壬辰十一月廿三日也生故元泰定丁卯月日曾祖德茂元

州學正祖仲哲父時中俱博學有文章母蕭氏配蕭氏再娶

李氏俱先歿子男七人曰忍曰德曰盈曰恭曰肅即汝敬曰

仁臨江郡學訓導忍德先卒盈為復仁後孫男若干人孫女

若干人曾孫男其曾孫女若干人以某年月日葬于鄉某山

之原汝敬以右春坊右諭德兼翰林侍講金公幼孜所述行

狀泣請予銘予生也後嘗忝與公有文字之交且辱相知詎

可以游况公平生學問操履出處大槩表表可稱至其事親

誠孝感動神明此猶可書謹按其實而銘之銘曰

維氏之先始出錢塘有衍其支乃迂豫章奕葉廬陵復蕃吉

水桃林之墟蔚蔚疑疑科第相望寶祐迄今有碑高曾襲其

簪纓猗歟矇矇式承家學以孝事親質神無忤士服儒紳八

十六年鶴髮童顏飄然若仙逍遙林壑復游卒歲他人天爵



公獨良貴公今逝矣以及其真九原不作未閱斯文

王竹亭先生墓誌銘

楊士奇

國朝混一之初天下耆儒碩師往往多在徵詔數下或進而階顯融佐化理或退而信廉節成後進皆卓然有益於世也是時泰和王竹亭及其弟子啓兩先生正學篤行高風直節表表乎大江之西洪武二年子啓先生首舉明經為監察御史明年竹亭先生以說書徵既至上書論事更授福建監運副使以老得辭子啓先生後陞廣西按察僉事又擢知崇慶州政治赫赫已而罷歸時竹亭先生春秋六十餘子啓流生亦幾六十伯仲恭愛隆然居必一堂出必鴈行長身玉立儼乎端恪魏冠褒衣檐檐其偉蓋望之如神人無不肅然起敬畏者至其接人色莊氣溫雍容怡如語間理盡無不樂就之焉竹亭先生諱沂字子與竹亭其別號勿讀孟子即知於義利稍長刻厲學問嘗從元進士楊升雲彭復初治周易造其室與自六經至於周程朱張之書靡不深究及子史百氏咸旁通博考蓋於天人之微聖賢之蘊往古治亂成敗之故蓄之富察之審言之的而履之確也嘗一試有司不合即不復出教授於其鄉而所交游往還皆當世名人元季江西叅政全普庵撒里守贛州禮遇先生辟為行省照磨又承制授吉安路治中俱不受逮

皇明龍興洪武三年廣東行省聘考貢士試是年侍御史吳去疾言泰和王沂經學操行宜在侍近遂徵為說書至未幾而歸益以成就後進為務從學者愈衆傾竭底裏隨其材而篤之而皆有成先生資識高明內貞外和氣度弘偉規範自



然安成進士劉雲章嘗贊之曰淵乎玄酒之在尊凜乎大阿  
之未出匣嚼乎其清而搥之弗竭薰乎其和而卽之弗可狎  
又曰使及門孔氏則風雪之詠歸端章甫之禮樂固將進退  
綽然而特視其所合蓋確論也先生孝友篤至歲時壘祭循  
古禮燕處必嚴未嘗啓口及人過失有文集若干卷承旨宋  
公濂爲之序詩若干卷襄城楊伯謙序之洪武十六年某月  
某日卒年六十有七王氏世有德義其先出晉司徒導之後  
由金陵來徙至宋戶部侍郎贊顯于仁宗朝事載郡志又若  
于世至圭爲榮王府賓客與周文忠楊文節皆善學者稱虹  
溪先生虹溪若干世至性夫性夫子以道元李韓公復嘗薦  
之以親老辭二子先生兄弟也先生娶陳氏繼李氏皆有賢  
德子男一伯貞舉明經累官瓊州知府女一嫁嚴文孫男

二信直直舉進士爲翰林修撰曾孫男八女三先生初塋于  
秋鄉大徑之原至是瓊州公丁李夫人憂改塋先生新山之  
原使直屬士奇銘墓士奇蓋生晚不足究知萬一然念鄉人  
老長識先生者盡矣當時門人親受教者亦多不在將使後  
之學者有志乎先進其何所考法也且士奇於主氏重世好  
又少嘗侍教先生兄弟及瓊州公矣故不敢辭不敏不銘謹  
述其所知大槩而爲銘曰

奕奕玉山澄江洋洋猗歟先生邦人之望江山出雲雨于下  
士君子之道有畜不施道之傳矣執不爲材佐理于隆濟濟  
偕來世其遠矣後來何師猗歟先生曷究予思

故少師吏部尚書贈特進光祿大夫太師諡忠定

公墓誌銘



宣德十年正月十有五日少師吏部尚書蹇公薨于位先四日以疾聞

上遣大監范弘以醫來視 賜鈔萬緡明日范大監以衆醫偕來又明日疾革范復來問所欲言對曰

陛下初嗣大寶義獨寡祐不能效分寸裨益然區區犬馬之誠所望於 聖明者惟敬守洪武成憲始終不渝耳言已而絕計聞

上深悼歎屬時 國有大事悉停諸祀 特賜鈔萬緡

敕工部治喪葬贈公特進光祿大夫太師諡忠定遣某官某賜祭而官其長子英英等奉親歸葬有日求余為銘余與公同 朝三十有五年而事

仁宗皇帝自登儲至大位始終皆陪公公 國家老成人

以啓益士奇蓋多不敢辭蹇氏世家重慶之巴縣宋以來多顯仕自公高曾而下始隱居不出曾祖繼祖妣牟氏祖均壽妣雍氏考源斌妣胡氏繼羅氏以公貴贈曾祖祖考皆榮祿大夫少師吏部尚書曾祖妣祖妣皆夫人公諱義字宜之生而岐嶷長端重不好弄而嗜學弗懈始從里社師中書左丞殷哲時為郡守一見異之引充郡學弟子員語其師曰是兒將來遠到非吾所及當成就之而公不煩程督日益有進洪武甲子中四川鄉試明年中禮部會試 廷試賜同進士出身擢中書舍人授徵事郎見重

太祖高皇帝每前奏事率稱 旨而數見獎賚初名璿一日奏事畢問汝蹇叔之後乎親灑 宸翰書義字賜之以易舊名特丁羅夫人憂 賜道里費且命馳驛歸蓋 特恩云服



闕仍舊職滿三載吏部奏當調 特命終九載朝夕左右凡  
機密文字必以付公而小心敬甚久而愈篤建文中陞吏部  
右侍郎授嘉議大夫

太宗文皇帝入正大統轉左侍郎數月陞吏部尚書授資善  
大夫時政令制度有非洪武之舊者 詔悉復之公從容爲  
上言損益貴適時宜間舉數事陳說本末

文皇帝以公忠實悉從其言小人有譖公不忘建文者賴  
上聖明不聽有除官不得善地訴公不公者  
上皆斥之永樂二年冊

仁宗皇帝爲皇太子命公爲詹事時師傅皆以勲臣兼之而  
輔導責任文臣詹事蓋元僚也  
上欲有諭

皇太子率諭詹事徃導意公亦委曲周悉 皇太子尤愛重  
公所言靡不信用滿三載陞資政大夫七年 車駕巡狩北  
京命

皇太子監國中外庶務惟 諸王及遠夷有奏請詣

行在餘悉啓聞處分公熟於典故達於政體孜孜無倦不動  
聲色而事賴以濟 賜誥以其官秩封贈三代滿九載

賜教有秉心正直及淳良篤實裨益 國家之裒數奉命兼  
禮部事雖職務填委處之裕如十七年丁父喪歸

上及 皇太子皆遣官賜祭

皇太子贈賻尤厚有 詔起復公詣北京謝

上慰勞再三賜鈔于緡遣中官護送歸南京明年從

皇太子朝北京遂命公巡撫直隸應天等府州問兵民休戚



及文武吏之賢否而升黜之公謂 國家多事之際悉以法  
繩吏人將不勝特點其太甚者數人餘多見寬假而兵民利  
弊當興革者具奏行之

仁宗皇帝初嗣位一切政議預者三四人而公居首進少保  
兼吏部尚書二俸俱支 賜冠服象笏及玉帶二遂進少傅  
及進少師 賜師傅之臣銀章各一其文曰繩愆糾繆公首  
被賜

上諭之曰朕有過舉卿卽具疏用此封識進來蓋望公等匡  
直也繼 賜誥授榮祿大夫封贈三代及妻於公數人誥詞  
上特增曰勿謂崇高而難入勿謂有所從違而或怠所以望  
公等者甚切也又念公侍從監國舊勞特製蹇忠貞印賜之  
而 賜教有以善翊君勞心焦思二十餘年夷險一節之褒

時修

太宗皇帝實錄命公監修

宣宗皇帝嗣位一切政議屬公數人如

仁考之初繼奉命監修

仁宗皇帝實錄書成賜白金文綺鞍馬扈從征廢人高煦還  
寵賚尤厚復從巡邊既還以公年老不欲煩以有司之務  
賜敕曰卿事

祖宗積效勤誠朕嗣統以來尤資贊輔夙夜在念圖善始終  
蓋以卿春秋高尚典劇司優老待賢禮非攸當况師保之重  
寅亮爲職不煩庶政乃副倚毗可輟吏部之務朝夕在朕左  
右相與討論至理共寧邦家其專精神審思慮益致嘉猷用  
稱眷倚老成之意繼 賜銀章一其文曰忠厚寬弘蓋以褒



德云 賜新第於文明門內寵錄游加吏部言公歷少師九載降 敕褒諭仍 賜宴禮部是歲生日賜鈔萬緡廐馬一匹

命上嗣大位之日賜白金文綺是夕齊宿於公得疾越五日竟不起享年七十有三公爲人沈深質實和厚簡靜內有孝友之行事君有誠處人有量無所拂逆未嘗輕涉一語傷物至於議法亦不苟爲包含必歸中正歷事

五朝凡五十年所履坦坦無一日顛躓之憂退朝之暇手不釋卷貴而能謙富而能約

上前所言未嘗退以語人蓋天下有陰被其利者矣士奇嘗竊論之魯簡肅之忠實不欺李文正之不爲傷人害物張忠定之不嗜玩好傳獻簡之遇人以誠范忠文之不設城府公

蓋兼有之矣元配劉氏繼張氏皆封夫人子男四長英次芳次芸次荃英荃皆尚寶司丞荃先卒女二長適馬駿次適李成孫男四霖震靈露女一公之葬以薨之歲某月日墓在巴縣某鄉某原先塋之次銘曰

節乎蜀山浩乎蜀川孕精毓靈挺生偉人溫中穆外履夷蹈素

皇明麗天奮躍自下在

帝左右秉恭與誠掌 帝之制播告四方進貳大官遂職冢宰簡用俊良徃興至理

帝命游隆俾輔 聖儲陳厥謀謨 聖罔弗俞四紀在廷三

翼升御肅肅師臣秉王之度一念惟仁求矢不渝寅畏小心保終猶初陰利逮人人則罔覺惟



帝昭明褒詔有數嗚呼忠定維國老成曷不勅遺翼我  
聖明生榮死哀死且不朽昭德刊辭永告爾後

故少師工部尚書兼謹身殿大學士贈特進光祿大  
夫左柱國太師謚文敏楊公墓誌銘

正統五年二月十八日少師工部尚書兼謹身殿大學士建  
安楊公奉 勅歸展先墓既畢事卜日啓行病作衆曰曷俟  
少間公曰 君命不敢稽也挾醫以行至臨安武林驛病加  
遂不起是年七月二十也守臣治棺歛既馳奏

皇上嗟悼輟視朝一日贈特進光祿大夫左柱國太師賜謚  
文敏遣禮部尚書胡濙莅祭遣中使護喪還葬其鄉 命有  
司治墳公先世見余譔其大父墓碑曾大父伯遜大父達卿  
父伯成皆贈榮祿大夫少傅工部尚書兼謹身殿大學士曾

太母黃大母謝繼阮母刘皆贈夫人公初名子榮字勉仁自  
學諸生鄉試選第一會試第三廷對擢第二甲賜進士出身  
入翰林爲編修

太宗皇帝入正太統更其名榮初建內閣簡翰林之臣七人  
其中專典密務七人者解縉胡廣王淮胡儼金幼孜公及士  
奇也公齒最少最警敏一日晚

上出右順門召內閣諸臣獨公一人在出江西三司奏章示  
之言吉安鄉民之嘯聚者已悉復業蓋 朝廷初有聞卽遣  
行人許子謨齎 敕撫諭子謨行將一月又遣都督韓觀率  
兵繼之如撫諭不下卽加兵及是奏至

上諭公曰觀不至不下其降敕褒觀公讀奏訖對曰計發奏  
之日觀尚在中道未足褒從之自是益重公時四方之事方



殺七人者且夕侍左右承顧問受旨退治之務且兼稽古纂述之事不虛寸晷

上時步至閣中親閱其勞且視其所治咸稱旨時公尤勤勵遂皆進官公進修誨數月復進侍講明年改元永樂秋公請告歸省又明年春七人皆賜二品金織衣且勞之曰天下事成朕與若等同計非若六卿之分理也無幾簡翰林之臣十數人兼春坊官任輔導公兼右春坊諭德授奉訓大夫日分直進講經史四年春公得疾命往甘肅同總兵議邊務察視守備還奉賜藥物五年奉命往甘肅同總兵議邊務察視守備還奉稱旨六年夏喪父給傳歸既葬遂命起復是年冬喪公奏歸守制時已下詔巡守北京不許七年春內閣胡及公金公奉命扈從北京甘肅總兵何福奏降虜寇

花等率部來歸命公往同福處置還奏

上悅遂奉命持節往亦集乃之地封福為寧遠侯八年春車駕北征本推失里公三人仍扈從至驢駒河命公先齎敕還報

皇太子復還北京冬扈從還南京九年春奏奔母喪遣中使護送既還

皇太子命公侍諸皇孫學且命公曰嚴則有成公盡心不怠重修

高皇帝實錄命胡廣胡儼黃淮及公為總裁十年二月賜誥命并追贈父母妻冬并肅守帥西寧侯宋琥奏叛寇老的罕逃居赤斤蒙古衛將為邊患時豐城侯李彬鎮陝西遂敕彬率師勦之且命公往與彬計度十二月還奏餉道險



阻今迥寒人疲馬瘠不可行且小醜不足以煩王師遂  
敕彬旋師無幾叛者復歸十一年春從狩北京十二年三月  
從征瓦剌時 皇長孫侍行

上命胡金及公三人凡行營有暇卽與講析理義開其聰明  
尚寶司官闕命公兼之既還 敕翰林修性理五經四書大  
全公三人皆爲總裁十四年陞翰林學士仍兼庶子扈從南  
歸十五年春復扈從巡北京十六年夏進

高廟實錄賜宴賚胡公設公掌翰林院事益見親密一特廷  
臣狎恩多縱思公抗直發其私適太學闕祭酒衆共舉公實  
欲踈之

上不聽公遂密言十弊指斥五府六部都察院章留中不下  
十七年進文淵閣大學士仍兼翰林學士授奉政大夫十八

年扈從北征秋還京冬將西征親藩奏建文中江西所採集  
民兵可徵用出奏示公公對云 陛下命復民業二十年矣  
今復徵非信

上曰朕意固如此遂寢三殿災公借金公陳便宜十數事皆  
見施行重賢愛民或陷非辜必援之尚書夏原吉以兵饑不  
給坐繫呂震言其柔姦侍讀李時勉嘗論事亦有言其賣直  
者皆激

上怒公悉委曲爲之辯解二十一年秋復扈從西征駐蹕萬  
全一切軍務悉付公掌寧陽侯陳懋奏番王也先士千來歸  
命公往議定降歸奏稱 旨卅二年復從北征中道軍餉不

上聞之命公與金公總計具數遂如二公言遣使諭虜釋其



弗臣之罪下令班師浙江三司奏處州之麗水福建之政和山寇劫掠請 敕兩都司合兵討之公言愚民為有司所苦出不得已兵出即良民先被害願遣一 敕使撫諭之不足煩兵

上從之卒如公言無事一日

上從容坐帳殿諭公二人曰東宮監國久熟政務此歸悉付以天下事吾惟優游莫年二公共對曰

皇太子孝友仁厚天下屬心允稱

陛下付託

上悅師次榆木川

上不豫既上賓凡沐浴襲奠設含棺斂一切之禮悉出二公眾遂推公先驅歸報既至可尚書蹇公等議喪禮遂議即位

仁宗皇帝嗣位進公太常寺卿授嘉議大夫仍兼兩職學士逾月進太子少傅授資善大夫兼謹身殿大學士山陵事殿大監孟繼極言公盡心喪事

上嘉歎即陞公工部尚書仍兼前二職賜 敕褒諭三俸俱支尚書一俸全給米洪熙元年 賜誥贈三代者妣無幾

上命輓白金為方寸印四枚其文曰繩愆糾繆以賜師傅公與金公同受其一皆期之直言匡輔修

文皇帝實錄公預總裁

仁廟上賓時

皇太子監國南京遺詔召嗣位公往迎於德州既還命公同有司相陵地



宣宗皇帝嗣位修

仁廟實錄仍預總裁高煦友在廷多懷二心惟文臣三四人勸

上親征公其首也遂扈從討平之師還特受駢蕃之賜馬騏歟變交趾黎利聚眾抗王師總帥孱弱不支輒與利和且為利請立陳氏後遂以師還奏至

上以示文武大臣皆勸發兵擊利

上不聽竟偃兵息民公預力焉是年八月車駕巡邊至遵化聞虜逼塞下以道隘師難竝進

上率鐵騎數千先馳擊之文臣獨公從既還陞少傅進榮祿大夫仍兼尚書大學士三俸俱支辭太學士俸進

兩朝實錄賜宴資又範白金為圖書刻方直剛正四字以

賜公數月

上念先朝老臣蹇義等四人皆春秋高竝賜救褒誦命

綴職務朝夕左右侍論議公預焉賜王帶加有御製詩

畫之賜公滿三載吏部以聞賜敕有忠言讜論裨益為多

之褒賜宴禮部遂賜少傅誥進封三代後兩扈從巡邊皆至洗馬林而還

宣廟上賓公復偕有司相陵地

皇上嗣位公與同官三人協志合力以効裨益賜資特厚修

宣廟實錄皆為總裁書成進公光祿大夫柱國少師兼尚書

大學士如故賜王帶時

上日勤聖學命公同知經筵事五年謁告省墓賜敕褒諭

加厚資給傳遣中官護送既還京道薨春秋七十公仕於朝



四十年皆居清密考鄉試者一讀廷試卷九爲人閨疏果毅  
遇事當爲奮前不疑於論古人必欲出新見不肯苟同議碎  
率歸寬恕勤職事盛寒暑及小疾來嘗少息於四方裔邊微  
事及邊將勇私智愚靡不通知故村量事勢率預中內篤孝  
女睦嫻之行家故豐裕且有厚裕能濟窮恤患無間踈戚喜  
賓客善交際雖貴盛無崖岸貴賤小大皆歸心焉故聞其沒  
也咸有嗟咨悼惜之意所著文章有默菴集雲山小藁靜軒  
藁良思集此征記訓子編藏于家元配劉贈夫人繼劉封夫  
人皆里處士仲穆之女子男六恭讓錫賜貴芳貴通女七兵  
部主事雷潛詹鎮陳順德蘇潤其循也餘在室孫男十二姝  
儼倫俊儉估倣佐倬偉伯儀女七曾孫女二皆在室士奇與  
公同僚三十有九年同事

四聖今內閣奮臣惟吾兩人未能退公又溘先余逝公之墓  
其子屬少保楊公書墓上之石余銘諸幽嗚呼几今能文士  
大夫感公之德述公之行雖有之矣若交之久知之深言之  
信者余兩人其庶幾可無愧也銘曰

桓桓文敏通才博識遭際

聖明光奮于績承明延閣著作之庭以翱以翔舒華振英北  
裔西陲從狩萬里職典者文亦兼知武荒虜腦臆帥坦弱強  
重瞳屢顧敷奏惟明晚陟三孤貳公弘化恪恭朝夕敢或違  
暇

帝懷敷仁鞠躬承之民懷被福屛勉成之志存寬惠行在果  
斷嘉謀讜議褒書有煥予告南旋曾幾何時上下延佇而計  
奄來越昔內閣七人同事荏苒三紀我銘其四公壽考終哀



榮寵光於平文敏歿也不亡

皇明文衡卷之八十六

皇明文衡卷之八十七

墓誌銘

故工部營繕司主事劉君墓誌銘

楊士奇

永樂二十二年工部營繕清吏司主事劉季箎卒於官其孤  
紳寅奉事狀介吏部郎中陳叔剛請為幽堂之銘將歸葬焉  
君為刑部侍郎時嘗監修永樂大典于文淵閣與予常相聚  
有知契故不得辭按狀劉氏其先汴人宋建炎初其官某扈  
從南渡遂官餘姚其子孫業儒亦代有仕者至諱某為丹陽  
書院山長嘗考浙江鄉試其祖也諱某為慈谿縣儒學教諭  
門人私謚中肅先生其父也母張氏君諱韶字季箎以字行  
自幼端靜喜學問為父母所愛既承其家訓長而進學鄉先  
生宋玄僖王孟暘之門刻苦自勵二先生咸器重之登洪武



甲戌進士第授行人司行人時重行人之選非進士不授凡  
方嶽大臣率出此君爲之一以所享不肯苟嘗持節使雲南  
四川朝鮮所至宣上德達民隱餽贐一毫無所受事聞

賜鈔襲衣丁丑陞陝西布政司左叅政先是陝有逋賦民積  
歲不能輸有司峻刑督之君至慨然曰民困故不能輸爲之  
父母又忍峻刑督之耶與其察謀分行郡縣解其繫緩其期  
勞來綏輯而從容勸誘焉民皆感激思奮曰是赤子矜念我  
我可不戮力以累仁人奔走假貸以輸無幾畢完陝不產硃  
砂而歲有課額民窘不能償至或償其家者君爲奏罷之洪  
渠水溢爲民患躬行視之爲設法治堰民賴以安蓋凡可以  
利民者率盡心焉華有郭子儀祠已壞過之嘆曰此崇德教  
民之務何可忽督令永脩葺之凡所過祠宇有闕風化而壞

者必風郡縣葺理之其達政體槩類此在陝四年可書之績  
尚多被 召爲刑部左侍郎左懇懇重民命平反具獄數事  
陝平民王某爲強盜所引逮至而所引者已伏法不能自白  
君察其冤召所引者之妻子使識之而聽其詞竟得實王免  
於誣有典守錢穀而虧允者旣被逮則援引于餘人同罪君  
廉知其誣卒辨所誣引者釋之河陽逆旅夜有朱趙二人異  
室而宿朱怨家後追至殺之而誤中趙朱實不知天未明行  
十數里逆旅主人疑朱殺之追執送官鞫訊考掠朱不勝遂  
誣服不敢求辨君獨曰是偶邂逅相聚非素有負且計其裝  
非有圖也特緩其獄遣人密察之無幾有司竟得殺趙者而  
朱以緩獄不死揚州民胡氏夜有賊入其室殺人而遺刀屍  
傍旦視之柄有隣家蘇氏私識官捕鞫蘇蘇曰家失此刀久



矣不服既備極諸刑竟誣服君潛使人懷刀往察其隣一童子識之曰我家物也遂得賊而釋蘇蓋其理刑一以求生爲務亦樂乙酉

朝廷廣召文儒纂脩大典 命太子少師姚廣孝禮部尚書鄭賜監修而擇六卿之貳有文學者一人爲之副遂以

命君討論裁處人多服之書成受厚賜庚寅坐失出罪人左遷兩淮鹽運副使未行復留丁酉改工部營繕主事躬勤治職未嘗以崇卑爲意壬寅得痺疾明年正月某日卒享年六十有一君爲人清素雖歷顯要而泊然自持居家敦孝友之行接人有謙讓之節雍容雅度有犯不校閒暇手不釋卷治經長於春秋喜吟詠冲澹優柔有陶靖節韋刺史之趣所著文集若干卷藏于家娶潘氏子男四紳寅辰復辰中

子順天府鄉試先君一年卒女二長適安遠縣學訓導趙佐次尚幼君之墓以洪熙元年正月八日其墓在其邑其鄉先隴玉燭之原銘曰

孝有以用於世才有以達其志得失無所作乎內勒銘其藏垂休永代

太子少保禮部尚書兼武英殿大學士贈榮祿大夫

少保謚文靖金公墓誌銘

太子少保禮部尚書兼武英殿大學士金公以宣德六年十二月十六日卒訃聞

上嗟悼甚至贈榮祿大夫少保謚文靖 命禮部尚書胡濙

賜祭又 命自喪至祥禫皆遣官祭 敕有司治喪葬百需所以褒寵之厚且備矣公諱善字幼孜以字行其先世見余

四



所作其考考屋先生神道之碑公自幼嗜學問內承家訓之  
篤長從前進士聶鉉先生受春秋經得其微旨中進士乙科  
授戶科給事中

太宗皇帝初臨御注意文學士改翰林檢討居無幾簡翰林  
之臣十人處之內閣付以密務而兩制悉歸焉七人者左陵  
解大紳胡光大永嘉黃宗豫南昌胡若思建安楊勉仁公與  
士奇也數月皆陞官公爲侍講授承德郎

仁宗皇帝在東宮時翰林春坊司經局之臣曰講經史公專  
說春秋敷析簡明 睿旨稱善遂命纂十二公事作春秋要  
旨三卷以進永樂五年陞右春坊右諭德仍兼侍講授奉訓  
大夫七年

車駕巡狩北京公與光大勉仁同扈從八年扈從北征冬還  
南京陞奉直大夫十年 賜誥命贈其考守正爲右春坊右  
諭德母陳爲宜人封母羅爲太宜人贈妻孔爲宜人十一年  
扈從巡北京從征北虜十二年復從北征陞翰林學士仍兼  
諭德修五經四書性理大全爲總裁官授奉議大夫十四年  
還南京明年扈巡北京預修

太祖皇帝實錄十八年陞文淵閣大學士仍兼翰林學士二  
十年扈從北征二十二年復從征北旣旋師中道

官車晏駕初喪至歛皆勉仁與公據禮行之旣而勉仁先馳  
歸報道中之儀皆咨公而行

仁廟嗣位進戶部右侍郎仍兼文淵閣大學士翰林學士踰  
月陞 太子少保兼武英殿大學士專典內制賜大臣五人  
銀圖書其文曰繩愆糾繆蓋以匡直勉之公其一也奉



命持節冊封 趙王妃及封 梁王洪熙改元

命兼禮部尚書三俸並支大臣兼三俸者惟勉仁與公兩人  
賜諡命授資善大夫贈其祖仲卿及父皆太子少保武英殿  
大學士祖母周母陳皆夫人進封母羅太夫人贈故妻劉封  
繼室屠皆夫人以法司論死罪多冤抑 命自今臨天必會  
大學士三人同審而公預焉 詔百官有親違離三年以上  
者聽給告歸省公首奏歸省母蓋前此百司職務瑣委無敢  
言私至是公首奉 詔賜賚甚厚是歲丁太夫人憂

上嗣位詔修

兩朝實錄起公爲總裁官明年奉 命持節之寧夏冊封安  
化真寧二王妃歷河南開東西之境弔覽周秦漢唐以來遺  
墟故址悉見賦詠所過兵民休戚既還具言於

上實錄成賜金織襲衣文綺白金鞍馬是歲扈從巡邊至宣  
府而還歲餘得疾

上遣太醫院官視療數月竟不起春秋六十有四公爲人簡  
易沈默溫裕有容居家敦孝友之行既仕事

上以誠持論必正扈從北征特借中士卒有憊者

太宗皇帝知之以問羣臣羣臣未有對公直對宜遠班師凡  
於公務致勤不倦處同僚能讓於人况愛無忤其孝該博文  
章和平寬厚類其德性四方求者無虛日靡不酬應得其一  
篇一詠者皆寶重之書兼工真行嘗考會試者一讀廷試卷  
者四不伐善不鶩名初陞亨士寵賚日加卽以盛滿爲戒名  
其燕處之居曰退菴疾革士奇與勉仁問之有何言公言受  
國重恩上無所益 朝廷下無所益生民何言傍或啓之請



身後之澤者公正色曰君子所耻訖終清明未嘗片語涉亂  
既卒自公侯六卿暨諸司之長皆哭弔奠祭士無賢愚皆有  
喪善人之嘆嗚呼儒者際遇始終光榮如公一世其幾何人  
公之所存蓋無忝矣子男五長昭伯宣德二年進士次武伯  
堅伯文伯壽伯女五皆有歸孫男六女三公葬以卒之明年  
某月日墓在其縣某鄉某原銘曰

玉筍僅魏金川湛澄公生其間萃蘇挺英賓興賢能濟濟皆  
至青萍出匣淬礪初試六御乘時登庸玉署清遠崇嚴象也  
密務恪勤夙夕小心寅恭于持于征龍旂率從

上承簡知履坦平平鷗游滄溟鵬翔九天廢事

三聖敬終猶始不競不絀有譽無毀方簡大冊 天府所藏

崇碑厚賜敷在四方謙退之存易箚不貳嗚呼文靖可式有

位

國子司業張公墓誌銘

揚榮

永樂丙戌秋七月三日國子司業張先生以疾卒于太學之

官舍京師士大夫與夫六館諸生皆相與哭之盡哀既奉匱

南還卜以某年某月某日葬某鄉某山之原國子學正順昌

黃立爲述先生之行徵予銘之予生也晚忝以科目入京師

濫官翰林辱先生折輩行相契厚今先生歿矣烏可無銘文

以告後世遂弗獲辭按狀先生諱智字玄畧姓張氏其先爲

延平之順昌人曾祖某隱德弗耀祖元贈滄州路平陽州判

官父昇元以神童薦補太學授秘書郎五轉而爲江西儒學

提舉母范氏周氏生母陸氏先生以元統乙亥某月某日生

自幼有大志聰明穎悟讀書過目成誦羣兒爲嬉戲之事必



正色端謹如老成人稍長即能勵志於問學嘗慨然曰采玉必於崑山採珠必於滄海士之爲學豈不出戶庭管窺蠡測所能至哉即日挾策入元都交當世之名士用薦補入國學元之季四方兵興先生以才出忝聞省裁務省臣承制授先生同知新喻州事已而知之不可爲浩然退歸

國朝初定天下先生即建陽之崇化里灑掃一空置古今書籍其中窮搜博覽沛然有得於心鄉黨爭企慕之洪武戊午以明經薦薦上吏部授夷陵州李正凡九載以內艱歸既服除入覲

太祖高皇帝方任賢圖治知先生才可用遂超拜禮部試左侍郎即首言宜以畫籍頒布北方李校議者以費財不便先生正色曰使賢才彙征利益生民何惜此貲衆大慙未幾實

授右侍郎其在職能秉禮不逮網紀秩然人莫不敬服之居二歲以事左遷爲國子李錄尋陞博士後遂擢司業先生能誘掖獎勸以誨諸生故鮮弗底于造就其教人一本於道德仁義之說孜孜焉開導後進老而弗衰一時學者莫不師宗之亦樂初

今上幸學衆推先生講易特蒙 寵異賜子甚厚至是卒享

年七十有二初娶魏氏繼其氏子男二人長時早夭次收孫男若干人曰某曰某榮於先生同里少時已聞先生名心竊仰慕既嘗京師得朝夕從先生杖履之末以暇緒論私以爲幸孰謂先生奄然永逝而竟弗得以終惠教嗚呼可勝惜哉然先生之文章事業不可以無述也謹撰爲銘文一通以納諸墓庶後之人有收焉銘曰



猗嗟先生早馳駿聲蒐羅百家學素滿以盈元政不綱才弗大顯

聖朝肇化彌志斯奮登仕夷陵允為範模諸生雲從濟濟文儒爰貳春官

帝心簡在讜論嘉猶國史具載晚教成均為孝者師六館化之時雨是資書林之原卜此窀穸過者式之先生之德

參事府少詹事兼翰林院侍讀李士瞻嘉議大夫禮部左侍郎曾公墓誌銘

宣德七年春正月辛巳詹事府少詹事兼翰林院侍讀李士瞻公卒于北京之官舍予與少傅揚公往哭之士大天皆往會哭翌日予二人以聞

皇上悼歎即命禮部賜祭贈嘉議大夫禮部左侍郎

命工部治墳塋兵部給舟歸其喪將行其季子种謁予拜且泣曰种父未卒前二日屬春坊庶子周公狀其事行命种請

墓銘於先生先生幸賜之以慰先人於地下予聞而益悲念與公交好三十年而今已矣奚可解銘公諱榮字子啓吉之

永豐人其先世出自武城西漢末邠國十四代孫諱據者避王莽之亂率族人南遷散居南豐廬陵諸郡至宋兵部侍郎

江西湖廣安撫使贈武成伯諱晞顏者公之高祖也元翰林直學士諱德裕者公之伯祖也翰林編修知制誥諱巽申者

公之祖也考諱叔本妣張氏公幼穎敏端重言笑不易五歲盡識象戲字七歲從季伯父兩皋十五以其所季訓族人子

弟十七出教新淦胡氏塾已有名時儒者鄒仲熙鄒幼亨輩皆忘年與之交二十充邑庠生教諭戴正心交季老成尤重

皆忘年與之交二十充邑庠生教諭戴正心交季老成尤重



公既作詩勵之復為龍說期其大用永樂元年中江西鄉試  
明年禮部會試中選者四百七十八人在第八庭試遂中第  
一 賜進士及第

太宗皇帝奇其才

親批所對策褒美之

賜冠帶朝服授

翰林修撰承務郎未幾一

詔選進士二十八人俾進李文淵

閣公為之首

上嘗召問典故公奏對如響每應

制詩文皆立就由是深

沐 寵眷纂修永樂大典

命為副總裁授儒林郎五年陞

侍讀授承直郎丁內艱

大駕巡狩北京起復舊從同邑有坐奸黨事達公者人以為  
危

太宗特原之謂曰朕惜爾才也公所居西長安門外家人不

戒火延及林垣

上亦以公故置不問嘗與諸才俊賦天馬海青歌於

上前公獨先成詞氣豪宕

太宗深加歎賞陞承德郎滿陞侍讀學士與修

太祖高皇帝實錄書成重沐 賜資丁父憂復起就職

仁宗皇帝嗣位

皇上正位儲宮陞右春坊大學士仍兼侍讀學士授奉議大

夫 賜諡命贈其父為奉議大夫左春坊大學士兼翰林侍

讀學士母為宜人洪熙初元侍

皇上監國南京宣德改元與修

兩朝實錄書成

賜金織龍衣白金文綺進參事府少詹事

賜寶帶日直文淵閣歲時屢拜

御酒珍饌白金鈔幣之賜



因意隆洽一日趨朝以欬嗽引退

上遙見之詔免朝忝公益敬慎弗懈踰年疾復作

上亟命醫往治公知不可起自爲贊遺相知者訣別遂卒公生洪武壬子八月戊戌享年六十有一既卒公侯六卿以下皆往哭奠而士林君子咸共悼惜以爲斯人不可復得矣其配鍾氏有賢行封宜人子男三長和先卒次稷次种女五劉敦會鍾公鉉周秀夫胡巖勉高欽夫其壻也公安貌魁偉襟度夷曠孝友忠實出乎天性而才氣志行尤超卓不羣兩京鄉試禮部會試屢典文衡去取率公平素獎勵後進以爲已務宗姪鄉鄙有急難靡不用情善飲酒與賓朋觴詠談笑傾倒意豁如也爲文章才思滂沛頃刻千百言不待思索工書而草書尤精得晉人風致四方慕而求之者足相躡其門至於商確古今講論政治無不切當其藎以某年某月某日其墓在某山之原銘曰

偉哉曾公卓犖瑰奇少處鄉邑才已不羈求樂初科首賜及第玉質金聲爲國令器居官翰苑克慎克勤文行之懿遠近著聞歷事

三朝竭心贊翊寵眷殊深屢進清職弗究厥施遽止於斯

恩命之隆生榮死哀惟茲鄉邑山盤水遶銘諸其藏千古有耀

故給事中李君墓誌銘

楊溥

洪熙紀元之初詔廣言路以來天下之善而漢中府學訓

導李君蕃上端木十六策

朝廷嘉納之驛召至京授行在兵科給事中九載考績稱



最將陞秩而君以疾卒于官聞者咸惜之第蔚請翰林編修  
江淵狀君家世歷履行義卒葬請予銘予嘗識君不可辭乃  
敘而銘之君字秀實唐涼國公愬之後其世祖自洮州臨潭  
徙于荆五世祖細元季徙蜀之富順祖允中復徙內江父季  
實以鄉貢進士任訓導陞教諭歷七邑所至能教人君生長  
宦所自幼警敏異常兒旣長力究羣經中鄉試會試中副榜  
遂領教職以上疏論事陞行在兵科給事中授徵事郎其  
爲教官以師道自勉爲給事中克舉其職命視關外城壘  
還陳備邊策清理軍政於河南人稱公平還獻安養軍民十  
餘事所至采軍民利病以聞每念二親不就養請分俸給之  
朝廷宴賜或有嘉味美醢綵幣謹封識奉其親及得推  
恩於父母乃請告歸省賜楮幣爲道里資其處內外親姻

皆有意意姑二人早寡君迎養于家撫其子成底成立朋友  
鄉鄰以善相與卹困窮化橫道皆可稱道家食時買夷僕一  
人蓋嘗盜其酋長馬者及事竟酋長求僕殺之以三人易僕  
君竟不與素甘澹薄言不及產業撰家範一編教戒子孫所  
著詩文有鳴佩集藏于家壽止三十七卒以宣德甲寅春二  
月二十四日季實封如其官母陳氏封太孺人配黃氏封孺  
人子男四人曰吉安曰其女一人在室正統元年冬十二月  
二十一日葬其邑青岡原銘曰  
駟馬高車萬里長途中道而仆其命也夫其命也夫



皇明文衡卷之八十八

墓誌銘

北京行太僕寺卿兼苑馬寺卿楊公墓誌銘

胡儼

公諱砥字大用姓楊氏世居澤州之南村曾大父誥大父禎  
 父伯新皆居鄉里為善士公自幼秀穎與羣兒處必習禮讓  
 進退容止若成人長老見多異之年十歲入州學為生徒即  
 知務學既長學益懋遂充貢為太學生洪武甲戌登進士第  
 擢授大行人副嘗上疏言孔廟從祀宜退楊旌進董仲舒有  
 功名教踰三載陞湖廣布政司左叅議舉賢能恤鰥寡去貪  
 暴吏民懷服歲庚辰以言事謫居遼陽及  
 上龍飛特起授鴻臚寺卿時公已喪乞終制歸廬墓側日夕



哀慟人不忍聞永樂二年起復為禮部左侍郎後以巡視河  
道坐失職降工部營繕主事又調禮部主客主事八年春扈  
從北征典功賞有勞勩十年二月受命詣北京簡閱馬騎  
還遂授行太僕寺卿明年又兼苑馬寺卿而公於馬政竭心  
盡職往來畿甸之間監牧攻駒馬大蕃息至於有司政令之  
得失民情休戚之所關知無不言由是寵任益隆十五年  
十一月丁母夫人司氏憂喪歸葬特蒙恩賜鈔千錠道  
塗給力役行次澤州之黃華里去家近一舍以悲哀匍匐得  
疾寓于勝因寺明年正月己巳竟卒享年五十有四訃聞  
上悼惜之遣官諭祭三月庚申葬于州城之東南村之原祔  
先塋也配焦氏子男二人長璞次瓚女一人適李貴銘曰  
惟楊氏出自晉始伯僑衍厥胤歷秦漢微復盛炳公卿龍華  
慶迄于今世晉城胄雖遙系乃明公挺生揚休聲著政績  
德馨澤之東南村岡浮山壽龍門蒼珏峯秀丹水長宅茲  
公之藏百千祀永不忘

嘉議大夫北京行部左侍郎劉公墓誌銘

北京行部左侍郎劉公既卒其孤徵以予與公故乃寓書奉  
狀來求墓銘按狀公諱辰字伯靜姓劉氏其先沛人後徙鄞  
遷婺之金華則自公之曾祖三顧始也三顧仕元為明台上  
萬戶府經歷幼鞠于舅王氏遂因其姓故公之祖文璜父志  
皆姓王氏至公復姓劉公慷慨負氣節喜立功業以表見于  
世初

王師親下婺州公首上謁署為典奉命使方谷珍谷珍令  
左右飾二姬以進公峻却之其人漸而退浙江之丞李文忠



開省于嚴辟公置幕下以資贊畫時元帥葛俊守廣信當祁寒集丁夫浚城濠民苦之欲為變文忠止之才聽遂怒欲臨以兵公請往諭以大義俊即悔悟謝文忠意乃釋既而授監辦金華茶鹽官秩滿課最以親老歸養教授鄉閭嘗道遇故人李惟中死於逆旅具棺斂瘞之任吳母喪不舉遺金葬之未幾二親繼歿執喪哀毀不勝衣所居室廬僅蔽風雨餽粥或不繼處之裕如也里人劉十八懷金入城遇二卒圖其金與飲醉之扶行水次欲加害公見力解之獲免後以懷不抱德起為湖廣道監察御史臨江同知陳斌受賕及銀工盜金皆坐死公為辯之得赦死論居二年以蹇諤聞擢知鎮江府興廢率墜勤於其政聞宋宗忠簡公墓在丹徒荒穢墓田據於民即加封樹復其田命墓傍寺僧收田之入以主其祀丹

陽道接句容細民任負載者往往因日暮行劫行旅患之公嚴為禁盜遂息郡有瀕江田八十餘頃歲久淪沒仍責賦於民公請于朝除之京口間廢舟楫不通東南漕運者轉新河江陰二港以出江多為風濤阻溺公乃自京口至呂城百二十里去淤塞甃石作壩修閘門順水勢之出入於是公私便之然漕河源淺易涸每仰練湖以益水湖有三斗門亦廢公又修築之三斗門成漕運之舟既通湖下之田益稔時浙河轉輸之民道其境上死者為收瘞疾者給米命以小舟送出境賴以活者數百人永樂元年夏六月以預修國史知故實賜白金文綺襲衣陞江西布政司左叅政至則以久兩江水汎溢九江諸郡瀕江之田皆澇饑民為盜富室多罹其害公即檄郡邑勸富民出粟以貸饑者蠲其役以



當其息官爲立券約明年償本粟由是富者樂從饑者得食  
南安贛州等九府荒田糧六萬餘石有司歲抑取於民民不  
堪公以聞悉蠲其額後以同官坐事相連免歸求樂六年秋  
命下復起爲北京行部左侍郎出 特恩也公以老不任政  
日被 顧問留京師者三年乃 賜救書文綺鈔錠致仕歸  
踰年復驛召至京 命督工武當未行疾作又賜鈔錠遣官  
督醫給驛舟送還至常州毗陵驛遂卒實求樂十年七月二  
十三日春秋七十有八孫祚奉柩歸墓文星門下閣塘先塋  
之次是年冬十二月九日也娶陸氏董氏董氏元中書參政  
嘉訥女前四年卒陸氏有婦道子男二人微觀觀蚤世女二  
人長適東陽施信厚東川軍民府經歷次適徐叔紹皆陸氏  
出也孫三人祚祺禧女一在室子與公舊同中書館知公爲人  
直諒多聞而公亦以此自信有古節士風可尚已銘曰  
不撓不汙而端其趨不激不隨而安以居 恩榮始終而善  
不虛嗚呼來祀欲知其人視此刻碣

王希範墓誌銘

永樂十八年三月辛未禮部儀制主事王希範卒予既弔哭  
退其孤錫持狀來乞銘將歸塋納墓中以詒諸後予與希範  
亦樂初同被選擢入翰林又同日拜

恩命爲檢討時希範年甚少氣甚銳學通而才敏於人少許  
可獨以余齒少長頗推讓相與幾二十年始終如一日今已  
矣銘不可辭按狀希範諱洪曾祖德甫祖善父輝世居錢唐  
希範生八歲卽知務學及冠入郡庠從訓導胡粹中授春秋  
日記數千言無遺忘下筆爲文辭沛然有奇氣率所事所言



若老成人粹中大器之年十八舉進士任行人將命關陝得使職人賢之未幾陞吏科給事中遂爲檢討修大典爲副總裁滿者陞修撰又陞侍讀三以大北典文衡取士甚公職侍講踰二年遷今官適尚書呂公巡行關陝凡部事悉采希範敷奏論事詳明同列敬服

朝廷方屬意希範而希範竟遭未疾以卒享年四十有一其疾也得 賜藥物其卒也又得 賜棺且給舟載歸

恩意隆至人莫及也初娶俞氏生子二人長卽錫次欽繼室劉氏前浙江按察僉事必榮之女生女一人寧淑希範之孀月開日孟博蓄深博其爲文章務漸滌刮願以期至於古人而遽止於斯悲夫將以年月日葬某處銘曰

昏智強弱才也窮達壽夭天也脩身俟命人也君子修其在已俟命於天而已希範勤一世以脩諸已而卒不施其命也夫其命也夫

前泰和州知州顧侯光遠墓誌銘

梁潛

泰和始爲州其民之衆亂久而後定治之尤難而

國朝初相繼爲之守者得二人焉曰吳侯去疾顧侯光遠也二侯皆一時豪士顧氏先世居河南自宋高宗南渡始徙而南居姑蘇之嘉定元末有知侯之材者辟爲掾京口及

太祖高皇帝下江南京口首納款侯預有力其間遂從

高皇帝入金陵監大軍倉卒納三年授江西行省理問從征陳友諒督饋運明年平陳氏擢知龍陽州時方甲辰年也招附懷來剷革宿弊民賴以息越二年改知泰和州龍陽老穉至號泣於道不忍侯之去至泰和前州守卽吳侯也吳侯以



民好訟告於侯侯憮然曰民有冤抑守弗爲之理民將安訴  
頃之訟者雨集侯乃自爲書榜聯紙長數丈誨諭諄切民爭  
來觀觀已去不訟者十二侯又俾凡訟者居譙門上思三日  
然後得訴思不三日去不訟者過半矣乃擇吏純謹者一人  
置簿受訟詞而勾稽其始末民誠負冤也輒爲疏理非誠負  
冤願誨自止者聽不問未兩月民不復訟吏亦畏侯精敏無  
敢舞文以病民境有虎適其時禁民私蓄兵民無所措訴于  
侯侯爲草檄告之神虎一夕遁去州以大治以丁祖母憂赴  
闕陛辭 命留翰林院同議編大明律律成上進復

命監造天下均工圖籍已而還服喪嘉定未幾起後授廣東  
行省郎中二年 召拜 吳王府副相留京師以他事註誤  
方違繫間得疾飲水病結曾而卒臨卒爲詩壁間以旣道其

平生有白髮歸朝之嘆聞者悲之子存誠殯于都南門外三  
里店侯諱某生元某年某月某日歿今洪武某年某月某日  
娶某氏子四人長即存誠次存仁爲河南偃師縣令以歿次  
存義存信存誠今居嘉定存義存信從侯于廣遂留家焉侯  
性澹泊不尚侈靡所居廨宇室無長物惟蔬蔬數畦食取充  
口衣取蔽體而已至於治民事無巨細必盡其心在廣之日  
別廉吏均轉輸浚城隍撫馴士馬安戢逋逃號令旣明而賞  
罰必信遠邇翕然及聞其歿爭欲爲祠立石以頌其德者屬  
有禁不可乃止侯嘗從元進士楊仲宏先生孝賦詩氣豪才  
膽而律調渾厚尤工七言晚自號蔗境翁詩數卷題曰蔗境  
吟藁云於乎侯當草昧之初能卓然論知天今攀附  
聖主以自樹立可謂壯偉矣而用未臻其極功業不究於當



特獨其善政在民者民不忘也瓊州守王君伯貞往來廣海  
間得侯二子訪之又素知侯之惠愛不忍其泯也爲序其事  
以屬潛爲之銘潛與王君皆泰和人也乃著其事之大槩吳  
侯安慶人爲殿中侍御史以歿其後無聞焉銘曰  
民靡草竊窮奸偷及茲弭寧誇相讎言大吞小噬疴曷廖正躬  
惠民邦兩侯後先敷政何優游隱絀舒伸暴帖柔回適海沮  
嗟相羞嗟哉我侯古罕儔衰被 寵光壯謀猷澤流及溢爵  
未優身永逝矣名無休

襄城伯李公墓誌銘

三直

正統十二年十月廿五日襄城伯李公薨于位年五十五  
上聞震悼爲罷朝一日 命禮部致祭工部爲治墳塋供葬  
事公侯卿大夫士皆奔走弔哭凡諸將士嘗隸麾下者皆相

與會哭盡哀蓋公喜讀書明道理文謨武畧靡不究知其事  
藉也忠其侍下也仁其制事也義其存心也恕是以上下痛  
惜之如此公諱隆字惠平其先和州人祖旺生有奇材  
太祖皇帝龍興之日常從征伐立戰功累官至燕山左衛副  
千戶父濟又以軍功累至都指揮同知從  
太宗皇帝靖難功多受奉天翊衛宣力武臣特進榮祿大夫  
柱國襄城伯食祿一千石又以其爵封三代祖考妣及配皆  
夫人公其長子也年十五襲爵雖甚少而負英偉之資雄傑  
之材

上深器重之永樂庚寅以來每六師北伐輒 命公領兵從  
其應機發策出奇取勝雖老於行陣者亦多讓其能  
上益奇之以爲可大用丙申 車駕留北京顧南京根本地



擇可任留守者莫如公遂命焉甲辰

仁宗皇帝即位重北邊守備暫輟公南京 命總兵鎮山海  
凡東北邊關皆節制蓋隱若一長城虜爲之震懾未幾復還  
公南京洪熙乙巳

宣宗皇帝即位眷念公甚厚而倚賴益隆有白金文綺之  
賜公祇敬將事夙夜盡心蓋未嘗有間

今上在東宮時知公忠勤宣德乙卯 嗣大位又 賜公白

金文綺而眷注尤篤正統庚申

上念禁衛重兵及諸司將士更番來京以備任調者雖有大  
臣總之而才智明決如公者不可不在其位乃 命豐成

代公還爲之副公在南京十八年荷

聖和遇以爲股肱心膂褒嘉 寵待之意具見所

賜敕前後幾二百道自古大臣得君之深而始終無間亦少  
有如公者公行不違道而持之以誠小大之務必盡其公威  
行惠施近悅遠懷是以其人雖有貴賤愚良寬鄙細粗不同  
皆敬愛公如父母 召還之日莫不願留而不可皆曰公去  
矣吾何恃自都城至江上泣而送者相屬於路公得人如此  
是豈以僞爲哉公之在朝雖總理軍政然謙已下賢務循大  
體不苟爲異同嘗有 詔舉將校之可任者公必慎擇以進  
使必當其用有司黜民丁隸府軍皆公與兵部再閱不中者  
例有罰公曰彼出自田里非素習然方壯顧教練何如教練  
有法則怯可勇勇可使爲精兵由是鮮有罰者丙寅  
命率師巡邊 賜之鈔幣及寶刀一公曰軍事貴嚴寶刀之  
賜意其在此吾豈敢不力然公威令素著及臨邊申飭守備



擇可任留守者莫如公遂命焉甲辰

仁宗皇帝即位重北邊守備暫輟公南京命總兵鎮山海凡東北邊關皆節制蓋隱若一長城虜爲之震懼未幾復還公南京洪熙乙巳

宣宗皇帝即位眷念公甚厚而倚賴益隆有白金文綺之賜公祇敬將事夙夜盡心蓋未嘗有間

今上在東宮時知公忠勤宣德乙卯 嗣大位又 賜公白金文綺而眷注尤篤正統庚申

上念禁衛重兵及諸司將士更番來京以備往調者雖有大巨總之而才智明決如公者不可不在其位乃 命豐城侯

代公還爲之副公在南京十八年荷

刻聖知遇以爲股肱心膂褒嘉 寵待之意具見所

賜敕前後幾二百道自古大臣得君之深而始終無間亦少有如公者公行不違道而持之以誠小大之務必盡其公威行惠施近悅遠懷是以其人雖有貴賤愚良寬鄙細粗不同皆敬愛公如父母 召還之日莫不願留而不可皆曰公去矣吾何恃自都城至江上泣而送者相屬於路公得人如此是豈以僞爲哉公之在朝雖總理軍政然謙已下賢務循大體不苟爲異同嘗有 詔舉將校之可任者公必慎擇以進使必當其用有司黜民丁隸府軍皆公與兵部再閱不中者例有罰公曰彼出自田里非素習然方壯顧教練何如教練有法則怯可勇勇可使爲精兵由是鮮有罰者丙寅 命率師巡邊 賜之鈔幣及寶刀一公曰軍事貴嚴寶刀之賜意其在此吾豈敢不力然公威令素著及臨邊申飭守備



內外整肅訖還不戮一人

上閱武近郊公等各嚴兵以待戎陣敕蕭肅號令明審坐作進退皆中度

上喜各賜金織蟒龍紵絲二有副公受 賜惕然不自寧益思所以脩其職

朝廷或有政刑疑未決 命文武大臣廷辯之公在其中侃侃正言犁然當於人心士大夫益重之以爲非獨將帥才也間居手不釋卷古聖賢之言行皆服行不忘祿賜之外不妄取一錢嘗刻漢疏廣及唐盧坦之言以貽世訓諸子曰吾褒父爵四十年出遠之情固多未達所行之事寧免過差然兢競惕勵悔往脩未不敢欺公負墨以負朝廷付託之重爾等宜益勉諸公取費氏崇信伯璪之女封

夫人無子女一嫁武安侯鄭宏側室子五人珍璉珣瑞璵珍田氏出也女四人長未行次適興武衛指揮同知張鑑府軍衛指揮僉事胡全珍兄弟卜以是年十二月某日葬公於某之原太師英國公知公爲最深爲述其行珍奉來謁予求爲銘予亦荷公之知而慕公之德且悲公之不可復見也奚可辭嘗觀晉之卻縠以詩書禮樂將中軍晉是以大漢諸葛武侯不使有餘財以負昭烈君子謂爲大丈夫公庶乎是矣公自號湛然道人亦以是稱之於乎茲其所以爲湛然者歟公庸行之美見諸事者尚多不可以徧書姑序次其大者而系以銘銘曰

天祐

聖明賢俊挺生偉茲襄城邦家之禎維公額額厥有世澤旣



世其功亦世其德珪璋之望熊虎之姿有武有文施無不宜  
出則征行入則君守

天子曰來汝予左右公之在朝維一其忠不矯而異不翕而  
同正直之言廉厚之行衆人所思君子所敬天不憖遺隕星  
其堂壽不百年人奚不傷高墳義義公安于此刻銘垂休焜  
耀無已

知府葉公墓誌銘

公葉氏諱砥字周道更字履道蓋楚名臣沈諸梁之後以所  
食采爲氏居南陽至晉有諱儉者爲括蒼太守因家焉其後  
又徙上唐高祖萬曾祖明祖其父良玉皆不仕公天性明粹  
喜讀書早喪母童氏又喪其父皆能以禮居喪不惑於流俗  
嘗受孝於鄭陳文昭諸李鮑仲孚二先生皆元故老博學有

文章喜爲篤志爲之傾竭底裏由是孝行大進洪武庚戌公  
以明經取進士第得定襄縣丞兵荒之餘民未安業公勸於  
撫字流亡來歸乙卯坐累謫涼州公處之泰然曰吾無愧於  
心足矣日杜門爲孝有詩寄子曰不須詢遠道窮達信乾坤  
更號坦齋又號尋樂作賦以見志士大夫譔居邊者皆宗之  
守將西寧侯宋晟亦延致家塾爲子師己卯求賢陝西按察  
副使羅某臨江知府劉鵬上虞知縣李惟中皆薦其孝宜任  
史事遂起爲翰林編修又有言其堪任風憲者復陞廣西按  
察僉事用法平恕獄無冤滯吏畏而民愛之嘗兼緝三道印  
出按郡至遷江會洞檄數出沒爲寇害吏民洵洵欲遁去且  
以無備諷公請少避公曰我去汝縣官必遁民何恃以安卽  
命料丁壯立保伍寇來併力禦之彼豈不畏死取頃之報益



慈公下令如故不爲動寇亦卒不敢至永樂初以史事被逮籍其家惟薄田弊廬故書數篋而已事白還之仍命與史事書成改考功郎中公進退人才品第高下大小各適其用尚書襄公謂其年邁一以藻鑑任之他不溷以事會修永樂大典徵天下名儒命公爲副總裁稽經考史無不愜當仁宗皇帝在東宮緝熙聖學擇儒臣侍講論公預焉其言於上者必堯舜周孔之道非是不以陳爲郎中九年俸食四品祿職如故公重聽誤以爲授他職

上親灑翰授之至今寶焉久之公引年求去不許乃自言於吏部曰砥老矣過蒙優禮猶叨祿在朝人將謂何

上若不棄願得一小郡牧小民庶效報萬一吏部以聞卽拜饒州知府公先教化後刑罰興利去害摧姦植柔民無愚良

皆愛之如子水旱爲災憂若己出每齋沐致禱必獲有年人以爲德之應郡故有磁窰銅冶而丁調不減他郡公爲力言於布政司得減四之一時方營造工之受役者當給糧贍其家而政司下饒州於遠輸內留八萬石給之公謂非戶部意不可衆譁然利其便請必從公終不許未幾部符下他已入倉者皆反之民使遠輸勞費彌甚衆乃服公明决皆拜謝布政司亦自愧其所行凡再述職京師皆以恤民隱革弊政去汙吏爲急然謂饒之風俗厚其民易化有訟者必以理論不什曹民知公之愛已也多悔悟而罷有婦代前夫子訟蓋欲資其後夫公揣知其故窮詰之以母子不忍爲詞公曰爾不忍於子何忍悖其父而從人邪婦慙裂狀逸去由是無理者不敢至其庭訟簡刑清民歸德焉戶口增至萬三千七之取



科第者加數倍於昔公年益高而燭理益明遇事亦若無足  
爲者嘗賦詩以自適辛丑八月有疾作書戒子孫以睦宗族  
和戚姻重義輕利毋貽譏於後世尤以不能報

國恩爲慊是月廿一日卒於郡廨之正寢距其生元至正壬  
午三月初六日享年八十郡人無賢愚貴賤皆哭之哀諸孫  
奉柩還以壬寅正月初六日禮葬上虞廿一都駱家嶺薛氏  
墓山西麓配周氏賢而克家先公廿一年卒今合葬焉子男  
二信可用可有士行皆早世孫男五綸早卒綬應州學正緯  
以子貴封南京刑部主事綺先卒績湖廣東湖馬驛驛丞曾  
孫男六壘充縣學生未仕冕取進士今爲松江知府嗣生蕃  
佐佑曾孫文六皆嫁爲士人妻公平生爲文甚多號坦齋集  
今所存者南行藁退朝藁芝山藁經進藁及經筵講藁

道拙於治生無厚業婦家欲離婚公卽以已產益之終身不  
復言其自處儉薄雖位均之重比封君而蕭然不異布衣時  
人有過失婉詞誨諭使知改而止未嘗疾言遽色然內貞外  
和雖詞氣寬平而所守有不可奪者博極羣書手不釋卷其  
所著述必根於義理之正而有益於世教蓋於漢魏唐宋諸  
大家無不孝故其所立蔚然有盛名當世而可示法於後來  
於乎公有德行文章之美而又兼政事之長誠一代之鉅人  
君子矣葬三十五年而墓未有銘至是冕來京師以綬所爲  
狀求予銘予從祖思忠與公同取洪武初科進士第及公來  
翰林予亦忝從公後蓋於公舊矣則今銘墓奚可辭銘曰  
葉氏之先實楚名臣源遠流長子孫振振暨公承之乃舉進  
士奮述文章揚善政事經幄詞林 寵命自天堯舜是陳維



公則賢公既老矣

皇用殊錫加乃常祿仍乃顯秩公有誠言願守一州惠此羣黎庶幾寡尤湖山之間厥壤千里人之愛公不異其子公逝不留民心則悲豈弟之化百世之思我新阡公安于此昭德有銘垂耀無已

教諭聶大年墓誌銘

大年聶氏世爲無州鹽川人曾祖某祖伯善皆不仕父同文洪武中取進士爲翰林侍書尋改中書舍人壬午六月

太宗皇帝至京師時盛夏以迎鑾暍死大年於父卒後五月乃生母胡孺人撫育之天資明爽穎悟絕人比長喜讀書日記數千言通詩書二經於諸子史無不讀尤篤意古文及晉唐人詩書法歐陽趙松雪皆臻其妙由是名動縉紳間用薦

起爲仁和訓導藩憲大臣與一時達官顯人過杭者皆禮重之而大年之文章傳於遠邇迎其母來杭旦夕率婦子備物以養必誠必孝母之心歡焉逾六年母卒奉柩歸墓哀感行路鄉邑耆老列言母賢行足以勵風俗而子又克孝如此詔旌表其門閭服闋分教常州府學滿九載陞仁和教諭仁和人得大年復大喜敬愛逾往時大年乃言於有司修葺校嚴奉規訓勵彌切諸生日加親慕教用有成登第者彌衆賓興之歲諸藩省請典文衡者聘幣交走其門而多以後至不能得爲憾大年所至多得士人服其公凡所經歷處遇佳山水及古人遺跡必見諸賦詠聯爲大卷藏於家景泰六年

秋

朝廷有史事徵請翰林將用之而大年以疾告退就醫藥凡




與善者數往來問候莫速愈而勢日危殆大年知不能起呼  
子章取紙筆書曰吾上負

朝廷之恩下負平生之志爾兄弟尚勉孝爲士人擲筆而逝  
蓋景泰丙子二月二日也觀其所書如此則其抱負可知矣  
予初識大年於金谿王先生所又得其所作小瀛洲水竹居  
賦觀其詞翰而重其爲人真可謂奇偉非常之士也常思振  
起之使效用當時以其孝行必有以名世傳後及被

召來京師心切爲喜思與之又處不厭而大年病予亦以老  
疾絕人事往還心雖相親而跡則踈矣大年病甚遣門生李  
昂持簡來言身後事蓋欲予銘其墓予聞而及之不三日而  
大年卒矣於乎予豈忍銘吾友哉大年生於洪武壬午十二  
月初三日及其卒也享年五十五又五配陳氏前舉平樂太守用

晟之女有賢行四子六四孫男四大年有詩文四十卷多可  
傳者斯足以不朽矣章奉樞歸臨川將以某年某月某日葬  
某山之原予乃爲述其行而系其銘銘曰  
孝足以爲人師才足以適事宜出旣逢時亦將有爲向天不  
愍遺而未究厥施嗚呼噫歟其誰不悲





皇朝文獻通考

七十四



